



Na osnovu člana 22 Statuta Brčko distrikta BiH – prečišćeni tekst („Službeni glasnik Brčko distrikta BiH“, broj 2/10) i člana 132 Poslovnika o radu Skupštine Brčko distrikta BiH – prečišćeni tekst („Službeni glasnik Brčko distrikta BiH“, broj: 54/18 – prečišćeni tekst i brojevi: 17/20 i 24/20), razmatrajući Prijedlog odluke o izmjeni Budžeta Brčko distrikta BiH za 2024. godinu, Skupština Brčko distrikta BiH, na 58. redovnoj sjednici održanoj 15. maja 2024. godine, donosi

## O D L U K U

### O ODRŽAVANJU JAVNE RASPRAVE O PRIJEDLOGU ODLUKE O IZMJENI BUDŽETA BRČKO DISTRIKTA BiH ZA 2024. GODINU

#### Član 1

Ovom odlukom uređuje se način održavanja javne rasprave o Prijedlogu odluke o izmjeni Budžeta Brčko distrikta BiH za 2024. godinu.

#### Član 2

Nosilac aktivnosti sprovođenja javne rasprave je Komisija za budžet Skupštine Brčko distrikta BiH zajedno s predstavnicima Direkcije za finansije Brčko distrikta BiH i nadležnih odjeljenja Vlade Brčko distrikta BiH.

#### Član 3

*Zadužuje se Vlada Brčko distrikta BiH da, u roku od tri (3) dana od dana usvajanja ove odluke, Prijedlog odluke o izmjeni Budžeta Brčko distrikta BiH za 2024. godinu učini dostupnim na web-stranici Vlade Brčko distrikta BiH [www.bdcentral.net](http://www.bdcentral.net).*

#### Član 4

Javne rasprave bit će održane u vremenskom periodu od 23. 5. 2024. godine do 25. 5. 2024. godine, u terminima kako slijedi:

- **četvrtak, 23. 5. 2024. godine, u Brčkom – prostorije Skupštine (sala za plenarna zasjedanja) s početkom u 18 sati.** Javna rasprava bit će održana s predstavnicima mjesnih zajednica, političkih partija, Privredne komore, Sindikata, udruženja građana i ostalima;
- **subota, 25. 5. 2024. godine, u Brčkom – prostorije Skupštine (sala za plenarna zasjedanja) s početkom u 13 sati.** Javna rasprava bit će održana s predstavnicima mjesnih zajednica, političkih partija, Privredne komore, Sindikata, udruženja građana i ostalima.

#### Član 5

Finansijska sredstva za organizovanje i sprovođenje javne rasprave, te štampanje 200 primjeraka Prijedloga odluke o izmjeni Budžeta Brčko distrikta BiH za 2024. godinu kao i njihovu distribuciju obezbijedit će Vlada Brčko distrikta BiH.

## **Član 6**

Nakon sprovedene javne rasprave, odnosno poslije **25. 5. 2024.** godine, Komisija za budžet, Skupštine Brčko distrikta BiH sumirat će kompletnu raspravu i podnijet će Skupštini izvještaj s prijedlozima i mišljenjima s javne rasprave.

## **Član 7**

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-3107/24  
Brčko, 15. 5. 2024. godine

**PREDSJEDNIK**  
**SKUPŠTINE BRČKO DISTRIKTA BiH**  
Mr. sci. Siniša Milić